

東方雜誌

第十四卷
第四至六号

(1917年4月—1917年6月)

上海書店出版社

東方雜誌

第十四卷
第四至六号

(1917年4月—1917年6月)

上海書店出版社

東方雜誌第十四卷第四號目次

●戰後東西文明之調和

僉父

●家庭之改革

高勞

●對德絕交之經過

平佚

●中國田賦制度改革議

愈之

●職業介紹所論

君實

●協約國經濟同盟之實況

君實

●日本議會解散記

高勞

●各國對中國借款表之說明

牧夫

●五千年間星期檢查表

壽孝天

●旅居暹羅之中國人

高勞

●歐洲交戰國之人口問題 附圖五

俞頌華

●俄國怪僧賴斯破丁傳略 附圖二

君實

●和平損失與戰爭損失 附圖五

惲代英

●黨派之意氣

夏沛豐

●評德國之戰爭哲學

愈之

●天然生活

君實

●石炭論

梁宗鼎

●節地養鷄法

鄒彬如

●近世槍礮之極度彈距 附圖七

沈愛泉

●一九一七年萬國化學原子量表

陳衍

●文苑

●魚雁抉微

王林慶 駱新

●小說攷證卷三

蔣瑞藻

內外時報

蔡子民在北京政學會之演說 大學校長蔡子民就職之演說 北京之金融談 天津之金融談 北京大學校之沿革 關於學校軍隊之調查 說兩院四個月之成績忠告議員諸公 植物輸送法 民國四五年海關收入比較表 民國六年度應還外債之金額 民國六年之天象預誌 東三省之鐵路計劃 國有鐵路所負之債額 民業鐵路一覽表 全國鐵道資本與利息之調查 海外華商總會名單 各國在華領事館之調查 天主耶穌兩教在華之勢力 報紙自由說 取締食物說 東西文化論衡 米食乎肉食乎 協約國方面在戰場上之人種 民國財政史序 馬江船塢之歷史 與友邦同業諸彥書 奉省軍港之興築 蘇省議團之新版圖 觀飛機之感觸 中國畜牧事業 紀華爾夫替星之出現 旅法華工近狀 留美中國學生工讀會簡章 留法儉學會緣起及會約 武器之常識 培植工程師之良法 蔡子民在北京通俗教育研究會演說詞 蘭州菸業之情形

法令

雲南第一覆選區改選衆議院議員日期令 哲里木

民國六年四月十五日發行

盟補選參議院議員日期令 工商同業公會規則 國有鐵路乘車免價條例 廣西補選參議院議員日期令 職官任免令

中國大事記

外國大事記

懷仁堂外交會議之攝影

國立北京醫學專門學校畢業攝影

北京琉璃廠廠甸陳列所風景二幅

棉蘭華僑追悼黃陳蔡紀念攝影二幅

意大利水雷敷設艦敷設水雷圖


美總統在議會宣布對德外交事件


俄國之風景四幅

彼得大帝之古第 彼得格來之夏園 俄國國會 莫斯科風景


練習救傷車駕駛術之英國女郎

影攝之議會交外堂仁懷月二年六國民華中







北瑠璃廠甸正月廟會附設臨時陳列所之風景



(上 同)




蘇門答臘華僑追悼黃陳蔡三先生紀念攝影




(上 同)



圖之雷水設敷面海在艦設敷雷水利大意




美總統威爾遜在會議宣對德外交事件




俄國之風景


(俄國國會)




(莫斯科風景)



(彼得大帝之古第)




(彼得格來之夏園)



練 習 救 傷 車 駕 駛 之 英 國 女 郎





第十四卷

第四號

戰後東西文明之調和

詹父

托爾斯泰之言曰。『方今之世。爲改革時代。人類生活。當起一大變化。中國爲東方諸國首領。有當實行之一大問題。蓋中國印度波斯土爾其。俄羅斯日本等東洋國民之天職。不獨獲得歐洲文化之精彩。必當表示真正自由之模範於人類也。』此近世大哲人之所以詔吾國人者如斯。吾人思之。重思之。則戰後之人類生活。必大起變化。已無疑義。改革時代。實近在眉睫之前。吾

代表東洋之中國人。果有若何之天職乎。對於世界。能有若何之表示乎。願吾國人自審之。

此次大戰。使西洋文明。露顯著之破綻。此非吾人偏見之言。凡研究現代文明者。殆無不有如是之感想。蓋文明之價值。不能不就其影響於人類生活者評定之。西洋人對於東洋文明之批評。亦常以東洋文明發源地之中國。日即於貧弱。爲東洋文明劣點之標準。此不特

西洋人之眼光如是。即在吾國人。亦不免自疑其固有之文明。而生崇拜西洋文明之傾向。然自受大戰之戟刺以後。使吾人憬然於西洋諸國。所以獲得富強之原因。與夫因富強而生之結果。無一非人類間最悲慘最痛苦之生活。吾人至此。縱不敢謂吾國人之貧弱。可以脫離悲慘與痛苦。爲吾固有文明之所賜與。然信賴西洋文明。欲藉之以免除悲慘與痛苦之謬想。不能不爲之消滅。平情而論。則東西洋之現代生活。皆不能認爲圓滿的生活。即東西洋之現代文明。皆不能許爲模範的文明。而新文明之發生。亦因人心之覺悟。有迫不及待之勢。但文明之發生。常由於因襲。而不由於創作。故戰後之新文明。自必就現代文明。取其所長。棄其所短。而以適於人類生活者爲歸。此固吾人所深信不疑者也。

於人類生活有最重要之關係者。一曰經濟。二曰道德。蓋人類所需之衣食住及其他生活資料。苟有所缺乏。

則生活不能維持。經濟關係之重要。固無待言。然使經濟充裕。而無道德以維繫之。則身心無所拘束。秩序不能安寧。生活仍不免於危險。故既富加教。實爲人類保持生活之大綱。文明之定義。本爲生活之總稱。即合社會之經濟狀態與道德狀態而言之。經濟道德俱發達者爲文明。經濟道德均低劣者爲不文明。經濟道德雖已發達。而現時有衰頹腐敗之象。或有破壞危險之憂者。皆爲文明之病變。文明有時而病。如小兒之有麻疹百日咳。爲人類所不能不經過者。今日東西洋文明。皆現一種病的狀態。而缺點之補足。病處之治療。乃人類協同之事業。不問人種與國民之同異。當有一致之覺悟者也。

西洋社會之經濟。因機械之利用。事物之發明。而日益發達。此固科學之產物。爲東洋社會所望塵勿及者也。然科學僅爲發達經濟之手段。苟目的已誤。則手段愈高。危險亦愈甚。西洋社會之經濟目的。與東洋社會。截

然不同。吾人之經濟目的。在生活所需之資料充足而無缺乏而已。孟子曰。『聖人之治天下。使猶粟菽如水火。』又曰。『黎民不饑不寒。』使民養生喪死無憾。』是皆說明吾人經濟目的之所在。故淫巧有禁。逐末有征。凡足以耗費生活資料或減殺其生產者。皆加以裁制。雖坐是而科學不興。發達經濟之手段。數千年無甚進步。誠不能謂其全無流弊。然目的固未嘗誤也。西洋社會之經濟目的。則不在充足其生活所需之資料。而在滿足其生活所具之欲望。以科學爲前驅。無限之欲望。隨之而昂進。其結果則產出精巧之工藝品。此等工藝品。既非自己生活所必須。生產過剩。於生活且有大害。乃不得不銷售之世界。而生活所須之資料。則又爲工藝品所攘奪。生產不足。常仰給於他人。經濟上既失其獨立之地位。其影響於社會者。則生活之程度愈高。維持愈難。競爭愈烈。於是各個人。各階級。各國家。各民族之間。各築牆壁。定煩細之法律。設重大之軍備。以擁護

其經濟的地位。故東洋社會之經濟目的。爲平置的。向平面擴張。西洋社會之經濟目的。爲直立的。向上方進取。東洋社會之經濟目的。爲周遍的。圖全體之平均。西洋社會之經濟目的。爲特殊的。謀局部之發達。然社會經濟事情。具流通之性質。與水無異。四散旁流。以平佈周遍。爲其自然狀態。壅之激之。使之過類。使之在山。則必至潰決而後已。今日之大戰。卽爲國家民族間經濟的衝突而起也。吾東洋社會。僅僅抱一不饑不寒。養生喪死無憾之目的。惜無手段以達之。西洋社會之經濟。苟不耗之於奢侈。擲之於軍備。破壞之於戰爭。則雖粟菽水火。亦可庶幾。而又爲欲望之所誤。故就濟經狀態而言。東洋社會。爲全體的貧血症。西洋社會。則局處的充血症也。

至西洋社會之道德。其優勝於東洋社會者。在於具力行之精神。慈善團體之發達。協同事業之進步。固吾人之所羨慕者也。然重力行而蔑視理性。與吾人之講理

性而不能力行者。又適成反對之現象。吾人之道德。根本於理性。發於本心之明。以求本心之安。由內出而不由外入。西洋古代希臘羅馬之哲學家。雖亦研究理性。所謂希臘思想者。略與吾人之道德觀念相近。然不能普及於社會。當時民衆之所信仰者。則多神教而已。自羅馬末造。改宗基督教後。道德之本原。悉歸於神意。以人類之智能爲不足恃。關於宗教之事項。不適用普通論理上之法則。決定其正否。惟依神之啓示與默佑。勇往直前。以行其神之使命。是爲希伯來思想。與希臘思想。正相反對。其極端者至惡智巧。杜學藝。以桎梏理性之故。至起中世紀後半期之反動。文藝復興。希臘思想。大占勢力於社會。中世紀以後。二大思想幾經衝突融會。各有幾分之變質。仍成對峙之形勢。至十九世紀科學勃興。物質主義大熾。更由達爾文之生存競爭說。與叔本華（卽罇本哈衛）之意志論。推而演之。爲強權主義。奮鬥主義。活動主義。精力主義。張而大之。爲帝國主

義軍國主義。其尤甚者。則有托拉邱克及般哈提之戰爭。萬能主義。不但宗教本位之希伯來思想。被其破壞。卽理性本位之希臘思想。亦蔑棄無遺矣。現代之道德觀念。爲權力本位。意志本位。道德不道德之判決。在力不在理。弱者劣者。爲人類罪惡之魁。戰爭之責任。不歸咎於強國之憑陵。而謾罪於弱國之存在。如此觀念。幾爲吾人所不能理解。以吾人之見地推測之。則西洋之道德觀念。因屢起反動。疊受摧殘。基本已毀。乃各自發揮其能力。逞快其意志。正如航海之船。羅盤已失。而爐火正熾。汽壓大張。鼓浪前行。惟恃機力以衝越障礙。自成航路。雖舵折桅摧而不顧。今日之戰。日殺六千人。猶未已止。卽此故也。吾人之道德觀念。除與現時新輸入之科學思想。稍有鑿柄外。在歷史上未見如何之反動。不受何等之摧殘。至於今日。猶能統攝人心。惜乎誦其言者。不能服其服而行其行。有理性而無意志。以表現之。故就道德狀態而言。在東洋社會。爲精神薄弱。爲麻

瘠狀態。西洋社會爲精神錯亂。爲狂躁狀態。

大戰以後。西洋社會之經濟。將有如何之變動乎。由吾人之臆測。則經濟之變動。必趨向於社會主義。蓋此次戰爭。雖由國家民族間之經濟競爭而起。然歐洲社會。自科學勃興以後。經濟界中。已造成一種階級。經濟上勢力。全操縱於少數階級之手。國家民族間之經濟競爭。實不過少數階級間之經濟競爭。多數民衆。爲少數階級所驅策。投身於礮火兵刃之地。創鉅痛深。則必有所警覺。事定以後。當有一種超國家超民族之運動。觀於戰前各國社會黨之態度。及近日俄德奧諸國之事變。（草此論時德奧事變僅有電傳。尙未證實）已顯露端倪。在少數階級。既因戰爭而生莫大之創痕。亦必有所悔悟。與其投鉅資以啓戰爭。求國家民族之繁榮。而得財盡民窮之結果。何如移其資以施行社會政策。擴充社會事業。互相迎合。以馴致於社會主義之實行。西洋之社會主義。雖有種種差別。其和平中正者。實與

吾人之經濟目的無大異。孔子謂不患寡而患不均。社會主義所謂「各取所須」亦卽均之意義。吾東洋社會。無國家民族對抗之形勢。故經濟上嘗注目於社會。孔孟之書。凡關於經濟者。無不從社會全體着想。西人有謂王安石爲發明社會主義者。實則社會主義。乃吾國所固有。傳自先民。王安石特襲取其偏端而欲實行之耳。西洋經濟界。若實行社會主義。則吾人懷抱數千年之目的。無手段以達之者。或將於此實現矣。

至西洋社會之道德方面。在戰爭以後。希伯來思想。必更占勢力。與希臘思想結合。以形成新時代之道德。蓋希伯來思想。崇靈魂。敬上帝。務克己。持博愛主義。希臘思想。重現實。喜自然。尙智術。持愛國主義。其互相衝突之點。大率在是。今日之科學思想。由希臘思想發生。發達已極。遂釀戰禍。證諸歷史。羅馬時代。希臘思想既盛。由率真而變爲任性。遂流於放僻邪侈。希伯來思想代之而興。以今之時勢考之。此歷史殆將重演矣。大凡人